

نومرو ۱

پرشنبه ۶ مارت ۹۱۹

مدیر و امتیاز صاحبی

م. زکریا

بویوک و محبوسه

پچشنبه کونلری چیقارادی علمی هفته لق مجموعه در.


نخستین ۱۰ غرومدر

پوسته آدره سی : بویوک مجموعه

اداره خانه سی

جفال اوغلنده اجتہاد اوندہ نومرو ۱

قادیئلغه دائر




تورک قادیئلغی رقبسی

حرکت اعلانی متعاقبتون اجتماعی مؤسسه-
لرده تدبیری برتوقف کورولدی . بوتون ملت
قوتی بر نقطه یه جمع ایدره دیکر ساحه لره باقغه وقت
بولامادی . یالکز قادیئلق بوراده براسستنا
تشکیل ایتدی . هر طرفده کورولن بطاشته ،
توقفه رغما قادیئلق عالنده ۵۰ سنه ده وجوده
کله سه یه جاک اولان بر تکامل ، سریع بر تبدل
کورولدی . دینه بیلرکه حریدن اک زیاده
مستفید اولان قادیئلق عالیدر . . . بوزمانه قدر
یالکز غزته صحیفه لرده بر بولان قادیئلق
قادیئلق وظیفه سی ، عمومی حربده آز چوق
حقیقی بر شکل آلمش ، شأنی بر حیاتنه مظهر
اولمیشدر . قادیئلر ، اسکی ذهنیتنه اویمایان بزچوق
یکلکلر ، و تحولات کوسترمیشلردر . مثلاً قادیئلر ،
دواثره ، تجارتخانه لره ، فابریقه لره کیرمیشلر ،
مادی معنوی حیاتنه هر درلو مصائبه کوکس
کرمشلر ، اولرکده حیاتنه مجادله یه الیریشلی
برقولی و دماغی اولدیغی اثبات ایتیشلردر . دیشجی
مکتبلرند ، دارالفنونده ، باقریولوژمخانه ده
چالیشان خاملرده بوکا کوزل بر دلایلدر . بوندن
باشقا هلال احمرک اونودولماز اجرا آتی ؛ خاملرک
خسته خانه لره ، اعمالخانه لره ، حتی حرب
جهه لرده کوستردکلری فعالیت و شفقت بوملکندده
حقنه حرمت ایتک لازم کلن بر قادیئلق اولدیغی
کوسترمگه کافیدر . صوکر قادیئلر فکری
حیاتنه ارککلر قدر اشتراک ایتیشلر ، هر شعبه
حیاتنه اشتراک اقتدار بنه مالک اولدفلرینی
کوسترمیشلردر .

صوکر آیلرک فکری حیاتنه باقنجه کورو-
بورزکه قادیئلق بو ساحه ده بووک بر موقع
قازانمیشدر . فی الحقیقه صوکر انتشار ابدن اثرلری
کوزدن کچیردیکمز زمان اک چوغنک قادیئلری
اولدیغی کورو بورز . یالکز صوکر آی طرفنده
بری خالده ادیب ، دیکری مفیده فرید ، اوچنجیسی
شکوفه نهال خاملره غاند اولق اوزره ارچ
قادیئلری انتشار ایتیشدر . شبهه سز بو ،
شکران ایله قیده شایان بر حاده در .


قادیئلک حیاتنه فضله کیرمسی ، اولرک اسکی
حیات طرزینی ده ده کیشیدر دیکر ایچون ، تلبس
ولستر طرزنده ده بووک بر ترقی مشهوددر .
تورک قادیئلی هم یکی حیاتنه او یقون اولق ،
هم ده بوتون طرافتی اوزرنده طوبلامق اوزره
اوله کوزل بر تلبس طرزینه صاحب اولمیشدر . .
کرک برلی خرسیدانلر ، کرک اجنبی قادیئلری
ذوق سلیم دائره سنده کیشمک خصوصنده تورک

قادیئلک حیرانیدرلر . مع مافیه بزده بو تلبس
طرزینی بگه نه یه رک قادیئلریمزک صنعتکارانه
کینیشلرینی عنعنیه ، و دینی عادتلره منافی کورنلرده
بوک دکلدردر . حتی صوکر زمانده تصویر افکار
بو فکر اطرافنده بر چوق مقاله لر یازمیش ، ولستر
لهنده پروپاگاندا لر یامیشدر . اخیراً دارالفنون



صوکر مودا انجیلی
بلوز قوی

مدیر عمومی اولان نعم بکده صیق برتستر
لهنده و حتی حکومتک تستر ایشنه مداخله سی
لریمی حقنده بر سلسله مقالات نشر ایلمیشدر .
فقط عملکندده قره تهلکه نک تحقیق غایه سنی تعقیب
ایدن بوزمه رک نشریات و تلقیناتی آرتق تأثیر



صوکر موده ایپکی چانطه

یاقندن چوق اوزا قدر . چونکه حیات ده کیشمش ،
فکرلر ترقی ایتیش ، ولستر بر دین مسئله سی
اولقندن زیاده بر صنعت مسئله سی اولمیشدر . هله
حکومتک تستر ایشنه مداخله سی زمانی چوقندن
کچمش و بو تجربه نک عقامته محکوم اولدیغی شیمدی یه
قدر اولان امثالیه ثابت اولمیشدر . حتی تصویر
افکارک تستر اطرافنده وقوع بولان ارتجاعکارانه
نشریاتی بر چوق قادیئل محفللرینک پروتستویه
تشبث ایتدکلرینی خبر آلدق . بو پروتستو
(تصویر افکار) رفیقمه اسکی ذهنیتک اولدیکنی
اثبات ایچون اک کوزل بر دلیل اولاجقدر .

صوکر سنه لرده قادیئلق حیاتنه حاصل اولان
ترقی و تکاملک دیکر بر تجلیسی ده « حقوق عائله »
قرارنامه سنک نشرنده کورولور . دونه قدر
عائله ده دون موقعده طو تولان ، وارکک قارشیننده
هیچ برحقه صاحب طانمایان قادیئل ، بو قرارنامه
ایله ، آز چوق مساوی بر وضعیت کتیر بیلور .
عائله ده اوکاده بر موقع ویریلور . قادیئلق حقوق
اعتباریه بو قانون فوق العاده ممنونیتله قارشیلانه حق
بر حاده در . حال بوکه صوکر زمانلرده ارتجاع
النک بورایه ده یشیدیکنی و قانونک تعدیننه
تشبث اولوندیغی خبر آلیورز . قانون ، تطبیقات
اعتباریه بعض تعدیلانه محتاج اولابیلر . فقط
بو احتیاج قانونک روحنی ده تبدل ایتکی استلزام
ایتمز . امید ایدم که قانونی تعدیل ایتک ایسته یلر
یالکز قانونک عملی اولان جهتلرینه تماس ایدره رک
روحنه دوقونماسیلر .

قادیئلک ترقیسنندن بحث ایدرکن بعض
آتشین روحلی قارئلرم دینه بیلرلرکه : « بزده
قادیئلغه ترقیدن بحث ایدیورسکمز . دنیا
هرکسه حقنی و بربرکن ، بوتون جهانده قادیئلر
انتخاب ایتک وایدلک حقنی احراز ایدرکن ، بزده
عائله ده مساوانی بیله چوق کورن بر محیطده
ترقی وار دینه بیلریم ؟ » بولله مفرط دوشونن
قارئلرم بر آرز حقمنزددرلر . هر محیط ، کندی
عمومی ترقیسیله متناسب بر صورتده قادیئلرینه
حق و بربر . بزده مملکتک عمومی ترقیسیله
وبالخاصه قادیئلک فکری وحسی ترقیسیله
متناسب بر صورتده حقمنزی ایسته یلم . مع مافیه
هرکون بر آزده الایق اولدیفمز موقعی ایسته مکدن
قطعاً کری دورما مالیدر . هم بو حق بحثی
اوزوند . ایسترمیسکمز اون کله جک مصاحبه یه
براقلم ؟

صهیم زکریا